



**Consulta
Pública**

del 17 al 31 de marzo

Reforma a las 6 leyes del medio ambiente

CONSULTA PÚBLICA ESTATAL

#TuOpiniónCuenta

ÉCHI INSTITUTO ESTATAL ELECTORAL CHIHUAHUA NIRÚAMI, A BAJURÉ SINÉAMI ÉNAMI PIRÉAMI NAÍ ESTADO CHIHUAHUA, KÍTI NIKÚRIKA ISÍMA NIJÍA RAÍCHALI, ÉCHI MÁPU NÍMA'RE NÁRIWAMI MÁPU RIKÁ A NAKULÍWIKA OLÁBA NIWAKÁ OLÁMA ÉCHI USÁNI LEYES ESTATALES MÁPU RIKÁ A TIBÚKA OLÁBO ÉCHI MEDIO AMBIENTE CHIHUAHUA NARÚAMI.

Échi Consejo Estatal níwala échi Instituto Estatal Electoral Chihuahua nirúami, a inéka échi fundamentos 41 base V, apartado C, numeral 9, échi mápu riká aní Constitución Política de los Estados Unidos Mexicanos; 39 alí ayénacho Constitución Política del Estado de Chihuahua; 47, numeral 1, alí 48, numeral 1, inciso e), nirúami échi Ley Electoral Local; 16, fracción II, alí 67 níwala échi Ley de Participación Ciudadana; alí 48, fracción I, alí 49 échi Reglamento je'naí legislación; ayénacho mápu riká 124 y 125 echiná níwala Lineamiento de Participación Ciudadana níwala Instituto Estatal,

BAJURÉ MÁPU ANIMÉA

Sinéami ralámuli, mukí, rejói, kúruwi, tewé, témalí naíí estado piréami Chihuahua a nakúrima nokiméa anía ayénacho chu riká katúwa échi aniwámi, échi mápu riká náripo re sinéami chu sía nakulíwiwa olábo échi usáni leyes estatales mápu alabé uchárami níma mápu tibúpo échi medio ambiente narúami chihuahua, jé riká bela a níma re.

CHU RIKÁ NÍMA

I. PÍRI ISÍ O CHU RIKÁ OLÁBO ÉCHI NÁRIWAMI ALÍ CHAPIWÁMI ÉCHI MUJÉ ANÍALA ÉCHI KATIWÁLIWAMI ÉCHI KERÉ ALABÉ NOKIWÁMI.

Chu sía échi riká bajuréliwa échi Náriwami Sinéami échi mápu ralámuli je'naí estado Chihuahua Piréami, mápu riká animéa, alí chu riká katúwa échi mápu nakulíwiwa olábo re échi usáni leyes estatales mápu riká a'lá tibútami níma échi medio ambiente nirúami chihuahua.

Ámi machinála ko échi nalí kítra mápu riká jú Náriwami Sinéami, a bela aní échi Ley níwala Participación Ciudadana naíí Estado Chihuahua Nirúami chu riká oliwá alí chu isía alí píri jú échi



**Consulta
Pública**

del 17 al 31 de marzo

Reforma a las 6 leyes del medio ambiente

CONSULTA PÚBLICA ESTATAL

#TuOpiniónCuenta

restauración échi bela jú a'lá ku tibúiami échi kawí, jáwami namúti kawichí narúami mápu jú medio ambiente, a bela jaré táka nokáli échi mápu nakulíwika oláma échi leyes échi Congreso del Estado, a bela we risóa olárami jú échi kawichí nirúami alí binói kawí, échi ko bela a uchárami jú échi portal internet níwala Instituto Estatal Electoral Chihuahua nirúami, je'naí [https://www.ieechihuahua.org.mx/ consulta_Reforma_Ambiental](https://www.ieechihuahua.org.mx/consulta_Reforma_Ambiental).

II. CHU RIKÁ OLÁBO RE NÁWIA ALÍ NARÉA ÉCHI RAÍCHALA MÁPU RIKÁ MUJÉ ANINÁLI

Échi naréliwmi échi mápu mujé náta alí mujé aníli a bela a narétami níma je'riká, kíti échi náwima, nijíma échi, **je'riká níma**

A. Échi micrositio échi níwala portal internet jéna níwala Instituto, échi mápu jú échi bilé liga electrónica [https://www.ieechihuahua.org.mx/ consulta_Reforma_Ambiental](https://www.ieechihuahua.org.mx/consulta_Reforma_Ambiental):

i. **Échi tiwé, towí, kúruwi alí témalí** mápu a si nakúrinili anía, mápu anináli a bela ucháma choná échi Clave Única níwala échi Registro Poblacional (anilíwami CURP); échi municipio mápu oná bité, ayénacho a inéka a néwalewa a mi níwisako échi correo electrónico.

Échi tewé, towí, kúruwi témalí mápu si aníli nijífa chu riká katúwa, ámi níwa bilé (discapacidad keré ma níwa grupo étnico ayéna ma pueblo indígena ayénacho píri isíami jú binéami keré, pee ke namúti, pee járami keré).

ii. **Échi mápu jú ochérami rejói alí mukí, weékami sinéami owéli**, ayénacho a bela ucháma cho échi Clave Única níwala échi Registro Poblacional (anilíwami CURP); alí ayénacho échi clave de elector; municipio mápu oná bité, ayénacho ucháma échi binói níwala correo electrónico. Ayénacho a échi riká katúwa ko ámi ucháma cho (discapacidad, diversidad sexual y de género, bilé grupo étnico keré pueblo indígena, píri isíami jú (pee járami población general, binéami, binériami, nárami, pee náchami, servidor publico, nóchami nijíami) ayénacho mi a iyénami nísa nikúra biléana partido político, asociación civil keré colectivo, bilé organismo gubernamental, medio de comunicación raíchali nijíami, organismo empresarial.



Consulta Pública

del 17 al 31 de marzo

Reforma a las 6 leyes del medio ambiente

CONSULTA PÚBLICA ESTATAL

#TuOpiniónCuenta

Ma a'lá bochíwisa échi mápu anináli alí runáli mápu riká náta, chu riká olábo a bela a njíma je'naí.

Wé nalí pee njia omero jenai línea jonse mapu ju formulario, osá makói raicahli njírami níma, biléana jónsa IP anelíwami. Échi internet sinibí rawé narúachi échi Náriwami, ayénacho a njírami níma echí mápu njíma échi oseli bilé formato pdf aniliwami, ke simirisa re 5 MB.

- B. Echoná correo Electronico** náwima bilé oselí echoná consultareformaambiental@ieechihuahua.org.mx, echoná mi ucháma bilé formulario respectivo, anelíwami, mápu riwaráma convocatoria.

Échi naréliwami kítra échi Micrositio alí échi correo electrónico a bela a irápita mochíma sinibí mápu alí jónsa chotásiwa échi Náriwami Sinéami inárachi jónsa 00:00 hora échi rawé 17 mecha marzo bamíwali 2023 alí a suníma inárachi 23:59 échi rawé 31 mecha marzo bamíwali 2023

- C. Osaká njíwami:** a bela njíbo osaká cho ayénacho a si échi formulario Náriwami respectivo kítra mápu a chapiká isíma echoná Micrositio simikácho echoná oficina njíwala jéna instituto, échi oserúami ko a bela a njíma je'naí:

- i. **Municipio de Chihuahua:** Av. División del Norte #2104, Col. Altavista.
- ii. **Municipio de Juárez:** Fray Servando Teresa de Mier #6541, Col San Lorenzo.

Échi naréliwami oselí oserúami sikáti, a bela a irápita wiliméa lunes rawé alí suníka viernes **Oficina Central del Instituto en el municipio de Chihuahua** inárachi be'á 9:00 a suníka alíwachi 20:00 áli ayénacho
Oficina Regional Juárez del Instituto inárachi be'á 9:00 a suníka alíwachi 15:00

III. PÍRI RAWÉ ALÍ CHUYÉNAKO CHÓTAMA ALÍ SUNÍMA ÉCHI MÁPU NÁWIMA RE ALÍ MÁPU NARÉMA RE ÉCHI CHU RIKÁ NÁTA, CHU RIKÁ OLÁMA, MÁPU RIKÁ NÁRITAMI NÍLI.

Échi naréliwami échi aniwámi, chu riká nísa re, chu riká nátami, a bela a chotáma échi 00:00 inárachi hora échi rawé 17 marzo mecha alí 2023 bamíwali, a suníma cho échi 23:59 inárachi échi rawé 31 marzo mecha 2023 bamíwali, a inéka mápu riká a anerami njíli jubáka.



**Consulta
Pública**

del 17 al 31 de marzo

Reforma a las 6 leyes del medio ambiente

CONSULTA PÚBLICA ESTATAL

#TuOpiniónCuenta

IV. PÍRI MI NÉWALE MÁPU RIKÁ SI ANIMÉA

A oméro anía mápu riká a níma re échi Náriwami Sinéami échi ko bela níwisare jéna namúti:

- a. Bamíwisa re usáni bamíwali a bamíwisare cho simírisa échi rawé 13 mecha marzo jéna bamíwali 2023
- b. Bitéami nísia re na'í Estado Chihuahua
- c. Níwisa re échi clave Única níwala Registro Poblacionchi (CURP)
- d. Níwisa re échi Clave de Elector mápu chukú INE, mápu ma owéli jú ko, mápu ma níwako échi, ayénacho correo electrónico

V. ÉCHI NIJÍLIWAMI, UCHÁRAMI OSAKÁ JARÉANA ÉCHI MÁPU ANIRÚAMI NÍLI

Échi anirúami mápu riká náta mápu mi njíli alí naréiru échi ko bela a uchárami níma echoná biléana Micrositio anelíwami jéna instituto níwala, échi rawé 04 inárachi mecha abril 2023 bamíwali, we nalí pe najó ke tási uchábo re mujé rewalá, kúmi bité, píri mi jú, suwába mujé binói níwala, pee uchábo re bi chu riká náta alí chu riká katúwa mujé.

VI. RUYÉLIWAMI CHU RIKÁ NÁTA ALÍ CHU RIKÁ ANÍRO MA

Échi lo bela a njíbo bilé ruyúbo chu riká níli échi alí chu riká nokíro échi Náriwami Sinéami jérika bela njíima re:

- a. Chu ikí piré je'naí estado Chihuahua
- b. Chu ikí nokáli njífa échi raíchali nejá Náriwachi Sinéami
- c. Animéa chu riká aníli, chu riká katúwa échi mápu nárika nokíro échi.
- d. Échi mápu chapiká nokíro machiwámi a bela a inéka a nokiméa mápu riká a abóni échi riká náta, je'naí piréami alí ma échi riká inéa abóni bela a animéa chuyéna natéami ka échi Náriwami.

VII. CHÚ RIKÁ JÚ ALÍ NÍLI ÉCHI NÁRIWAMI

Échi mápu mi náritami níli, mápu riká mujé aníali échi we natéami jú échi kíti jéna Náriwami kítra a bela machiwámi jú chu riká náta, chu riká katúwa, pee bela njíliwami jú (ke iwéami anelíwami jú échi jáwami kitra mápu échi isíma) ma binói náтика nokiméa mápu mujé nakí.



**Consulta
Pública**

del 17 al 31 de marzo

Reforma a las 6 leyes del medio ambiente

CONSULTA PÚBLICA ESTATAL

#TuOpiniónCuenta

VIII. TIBUKÁ MUJÉ NÍWALA REWALÁ, KÚMI BITÉ PÍRI MI JÚ, MUJÉ BAMÍWALA.

Échi suwába échi mápu mujé binói níwala jú mápu riká mujé rewalá, bamíwala, kúmi bité, píri mi jú mukí keré, rejói ma, échi ko bela a ke wési ruwéka isíma échi Estatal Electoral mápu riká a aní échi normatividad alí ayénacho échi aviso de privacidad mápu chukú échi Micrositio.

IX. ÉCHI TIBÚLIWAMI KÍTRA ÉCHI INFORMATICA

Mápu riká échi tibúka olábo naréa échi aniwámi, chu ikí piré, mápu riká aníli alí aniwá a bela a tibúka níma alí inéka kíti a'lá isíma.

- a. A bela a naréma échi Micrositio jónsa echoná portal Internet jéna instituto níwala osá makói raicahli nijírami níma sinibí rawé, biléana jónsa IP anelíwami. A bela we alabé ináma sinibí rawé mápu alí níma échi Náriwami.
- b. Pe narépo re makói biléana correo electrónica jónsa. A simírika náwisaka simírika makói pee échi mápu makói bachá síli narétami níma re.

X. ÉCHI MÁPU KE ANIRÚAMI ALÍ TÁSI INÉRAMI NÍLI

Échi mápu ke anirúami nísa o inérami nísa mápu a ikisá alí ke chukusá echoná convocatoria a bela abóni karéwima échi Presidencia jéna Instituto Estatal Electoral níwala.